



**KOMUNIKADO
2 MEI 2023**

Otorgamentu Konvokashon Habrí Aña pa Konmemorashon di Pasado di Sklabitut di Mondriaan Fonds konosí

E otorgamentu di e promé ròndu di e Konvokashon Habrí Aña pa Konmemorashon di Pasado di Sklabitut di Mondriaan Fonds ta konosí. Mondriaan Fonds a risibí 1 mion euro pa e Konvokashon Habrí, loke a wòrdu partí proporshonalmente entre dos ròndu di petishon. Na tur den e promé ròndu a presentá mas ku 150 petishon na un komishon independiente. Di esakinan 15 inisiativa ta risibí un kontribushon. E inisiativanan ta varia den forma, grupo di enfoke i tema. Tur ta dediká atenshon na nan mes manera na e pasado di sklabitut hulandes. E aktividatnan lo tuma lugá durante e Aña pa Konmemorashon ku ta kana di 1 di yüli 2023 te ku 1 di yüli 2024.

Dia 16 di yanüari 2023 e promé ròndu di e Konvokashon Habrí pa Konmemorashon di Pasado di Sklabitut di Mondriaan Fonds a sera. Un komishon di konseho independiente a evaluá e petishonnan segun e kriterionan stipulá. Banda di esei e diversidat di proyektonan, distribushon den region i un repartishon balansá entre e diferente sorto di proyektonan a hunga un ròl den e evaluashon. Mirando e kantidat grandi di petishonnan ku a keda entregá, lástimamente no ta posibel dor di e presupuesto insufisiente pa honra tur petishonnan ku a keda evaluá positivamente. E komishon a yega na e konseho pa otorgá e 15 petishonnan akí:

Fundashon Museo Tula, IJswater Films, Karolien Helweg, Marjet Zwaans, Mathieu Wijdeven, Mateo Pérez Vega, Rakesh Kanhai, Ruben La Cruz, Sites of Memory Stichting, Soraya Pol, Stichting Comite Herdenking Javaanse immigratie (Stichji), Stichting Rancho, The Black Archives (New Urban Collective), Untold, Wintertuin Curaçao.

E plannan di e petishonnan honrá ta varia den forma for pelíkula te eksposishon, simposio, instalashon di arte i podcast. E temanan i e gruponan di enfoke di e plannan tambe ta diverso.

Asina, Mathieu Wijdeven & Mateo Pérez Vega ta bai desaroyá un pelíkula kòrtiku i un instalashon di video tokante artista plástiko surnameño G.G.T. Rustwijk. E Sites of Memory Stichting ta bai produsí un presentashon na un sitio spesífiko tokante libertat i resistensia. Stichting Rancho ta bai kolektá kuantanan, pa medio di investigashon i entrestanan, tokante e historia di Pasado di Sklabitut na Rancho Oranjestad Aruba ku no a haña sufisiente atenshon. I Rakesh Kanhai ta traha un podcast kaminda e ta bai en búskeda di pensamentunan i ekspreshonnan típiko ku raisnan kultural ku ta restunan di sklabitut i kolonialismo.

Eelco van der Lingen, direktor di Mondriaan Fonds, tokante e promé otorgamentu:

'E promé otorgamentu akí ta hasi nos curioso i di antemano ta duna un bista kon e abolishon di sklabitut ta wòrdu konmemorá i selebrá durante e Aña di Konmemorashon benidero. Pa motibu di e diversidat na orígnan i disiplinanan i e kalidat di e plannan, nos lo tabata ke honra mas petishon. Pero nos ta ansioso pa wak e inisiativanan skohé ku na nan mes manera lo kontribuí na e konosementu i konsientisashon tokante e pasado di sklabitut hulandes i kon esaki tin efekto kontinu te dia djawe.

Tokante e Konvokashon Habrí Aña pa Konmemorashon di Pasado di Sklabitut

Komo parti di Aña pa Konmemorashon di Pasado di Sklabitut Gobièrnu di Reino ta pone presupuesto



disponibel pa aktividatnan i inisiativanan ku tin di haber ku konmemorá i selebrá e abolishon di sklabilitut i/òf aktividatnan i inisiativanan ku ta kontribuí na konosementu i e konsientisashon di e pasado di sklabilitut i e efekto kontinuo di esei te dia djawe. Mondriaan Fonds i Fonds voor Cultuurparticipatie a risibí 1 mion euro pa durante e Aña di Konmemorashon sostené aktividatnan di tantu institushonnan komo individuonan i inisiativanan chikitu lokal ku ta establese den e Reino Hulandes (Hulanda, Aruba, Boneiru, Kòrsou, Saba, Sint Maarten i Sint Eustatius).